

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Morum varietas.

**urn:nbn:de:hbz:466:1-14259**

*Venatorum sensum quandam habere videatur, Baccho ea olim fertur dedicata. Sed quoniam sunt qui per eam A  
ratio in Pan ebriositatem intelligent, hieroglyphicum à re ipsa desumptum ego crediderim: sunt enim Panthe-  
therie capi-  
tudines.*

vini admodum avida, & à venatoribus ebriæ plerumque capiuntur, fontibus quo potatum eunt,  
suavissimo per veteri potentique vino medicatis, tanta copia, ut fonticuli aquila longe supererentur:  
exiliores enim ad hoc fontes dedita opera pervertigant. Interdum ne rem perditum eant, & simul  
operam eludent, si latebrarum commoditatem juxta fontem natūrā fuerint, perforatas arundines  
ātra terram modicum defossas in fontem uno immittunt capite, altero in locum ubi delitescunt,  
adducto, observatoq; animalis adventu, per utrem ad hoc paratum statim tubo vinum infundunt,  
quod vinum veluti vena de fronte profiliens, meracitate sua magis illectat, remq; celerius maturat,  
illis plerumque antea, quam sitim expleverint, procidentibus. Vidimus sane numnum antiquissimum  
ex ære, quod apud Maffæos habetur, in quo Liberi caput juvenile hedera redimitum, ab altera vero  
facie Panthera & Thyrus pulcherrimo opere cusi sunt. Et in Gallieni plerisque Pantheræ nota est  
cum inscriptione LIBERO P. CONS. AUG. Sunt qui Tigrin esse contendant, de qua paulo infra dicemus.

## MORUM VARIETAS. CAP. XXXI.

*Africana  
Panthera.*

**Q**uoniam vero Panthera variis est maculis colorata, plerique morum varietatem per ejus pellem  
ostendere instituerunt. Nam & earum genus varie ab authoribus appellatum, proque Panthe-  
ris Variarum nomen apud Latinos receptum. Quare animadvertisimus est apud Paedanticum locum,  
ubi *Vercias* pro *Varias* hactenus fere paſſim lectum est: de Pantheris enim illic loquitur. Eadem &  
Africana simpliciter vocabantur, quod in Africa frequens admodum est earum genus: fuitq; vetus  
Senatus consilium, ne liceret Africanas in Italiam advehere, Cn. Aufidii tribuni plebis rogatione  
mox derogatum. Sane Claudius Caesar in spectaculis, ut apud Tranquillum est, exhibuit Africanas  
confidente turma equitum. Praetorianorum. Quantum vero pertinet ad colorum varietatem, jocole  
dictum apud Plautum in Epidico, ubi Thesprio varie se valuisse dicit, cui respondent Epidicus, &  
prigenum & Pantherinum genus sibi non placere: in quo quidem non coloris tantum varietate sensu  
est, ut Interpretum bona pars opinatur, sed ab ipsis Caprae natura sumptum, quæ fere semper febricitat.  
Quod vero spectat ad Pantheram, varietas morum non ex vario ejus colore tantum intelligi  
tur, sed quod & vehemens est, & ad impetus propensa, & pernix, corporeq; ad agitationem perquam  
idoneo. Unde per eam in Divinis literis varij animorum motus indicantur, de qua Hieremias:  
*Nunquid Ēthiops pellem suam immutavit, & suam Pardus varietatem?* quod non solum inquit Am-  
brosius, de figura, sed etiam de mobilitate furoris accipitur: eo quod Indorum populus & atrihomines  
Ēthiopum genus, ad fidei pietatisque candorem invitati, tenebrosis terræ cavernis insueti  
inquietisque ac mobilibus mentis atque animi mutationibus decolorati, boni propositi gratiam  
tenere non possint, neque ad emendationem correctionemve ullam remeare, qui ferinam semel in-  
duerit immanitatem, Eucherius pro dæmone accipit, qui subdolus & varius sit in humano genere  
pervertendo.

## DE TIGRIDE. CAP. XXXII.

**A** pud. Ägyptios Tigridem non inveni, apud Græcos & Latinos frequentissime: de qua significa-  
llo  
ta illa præcipue celebrantur, quæ ad immanitatem, ad sevitiam, ad ultiōrem, ad pernicietatem,  
ad amorem erga filios pertinent: quin etiam apud aliquot gentes divini cultus particeps judica-  
ta.

## SOL. CAP. XXXIII.

*Tigris, cur  
in honorem  
Solū culta  
agud Indos.*

**S**olis enim simulacrum esse perhibebatur. Sed Sol & Bacchus idem numen habitum, ut vetus Græ-  
corum habet Theologia, eaque apud Indos in honorem Solis culta. Indi siquidem clunes ejus  
tantum mensis inferebant, ceteris partibus ob Solis reverentiam abstinebant. Idq; ea de causa,  
quod hoc animal simulacrum ortum est, priores pedes attollere fertur versus exoriente sole, quem  
adorandi morem Maro videtur expressisse, cum 12. Aeneidos scripsit: